

(♀) tertiam basalem partem ventris haud superante, nigricante, articulo secundo basique tertii albidis; antennis nigris, articulo primo sat dense albo-consperso, lineari, pronoto dimidioque capiti a supero viso aequae longo, setis crassitiei articuli aequae longis, articulo secundo primo paullo magis quam duplo et margine basali pronoti saltem  $\frac{2}{3}$  longiore, basi annuloque infra medium albis, parte alba basali crassitiei articuli duplo longiore, articulo tertio primo vix longiore, basi albo, quarto tertio brevior; pedibus nigricantibus, coxis basique femorum anteriorum latius, posticorum anguste albidis, femoribus parce albo-adsperis, posticis latitudine maxima fere quintuplo longioribus, in tertia apicali parte fascia obliqua alba notatis, tibiis annulis tribus angustis albis, albo-spinulosis, spinulis crassitiei tibiae parum longioribus; capite basi pronoti circiter  $\frac{1}{3}$  angustiore, a supero viso pronoto paullo et latitudine postica parum brevior, vertice oculo duplo latiore (♀); capite ab antico viso latitudini posticae longitudine subaequali, a latere viso altitudini basali aequae longo, fronte subhorizontali, apice subito fortiter declivi, clypeo usque a basi fortiter prominente, gula horizontali; oculis (♀) a supero visis semiorbicularibus; pronoto latitudine basali circiter  $\frac{1}{3}$  brevior, apice quam basi fere dimidio angustiore, lateribus subrectis, disco versus apicem sat fortiter declivi; hemielytris abdomen modice superantibus, corio pronoto paullo magis quam duplo et dimidio longiore. ♀. Long. 8 mm.

Lake Placid, N. Y., d. 8 decembris 1904, D. VAN DUZEE, comm. D. HEIDEMANN.

*Ph. heidemannii* n. sp. colore structuraque antennarum sat similis, mox autem pronoto, scutello et hemielytris vittis nigris opacis tomento albo destitutis signatis, articulis secundo et tertio antennarum basi latius albis, secundo infra medium albo-annulato, nec non statura paullo angustiore divergens.

### **Phytocoris angustulus** n. sp.

Elongatus (♀), superne leviter nitidulus; capite sordide albicante unicolore, oculis nigris, pronoto sordide albicante, lateribus totis late maculisque duabus limbi basalis nigricantibus; scutello sordide albicante, utrinque ante apicem puncto obsolete fusco; hemielytris nigricantibus, margine scutellari commissuraque clavi, macula apicali et dimidio exteriori corii dimidioque basali cunei sordide albicantibus, membrana cum venis et areolis aequaliter nigro-fusca, solum vena connectente maculaque inter eam et apicem cunei sordide albidis; inferne sordide albicans, mesosterno abdomineque nigricantibus, segmento maris genitali apice albedo; rostro albedo, coxas posticas superante, apice anguste nigro; antennis articulo primo lineari, sordide albedo, parum signato, solum apice fuscescente, reliquis nigrofuscis, secundo et tertio basi anguste albidis, parte albida basali secundi crassitiei articuli paullo longiore, secundo primo circiter duplo et margine basali pronoti fere  $\frac{2}{3}$  longiore; coxis albidis, femoribus nigro-fuscis, albido-consperis, posticis latitudine basali circiter sextuplo longioribus, mox infra tertiam apicalem partem fascia albida notatis, tibiis albidis, anterioribus basi, apice annulisque duobus angustioribus nigricantibus, posticis basi late nigricanti-conspurcatis, spinulis tibiaram posticarum crassitiei tibiae distincte longioribus, tarsis nigricantibus; capite basi pronoti fere  $\frac{1}{3}$  angustiore, a supero viso pronoto circiter  $\frac{1}{3}$  brevior et latitudini verticis oculique unici fere aequae longo, vertice (♂) oculo latitudine subaequali; capite ab antico viso latitudini posticae cum oculis aequae longo, a latere viso altitudine brevior, fronte declivi, gula leviter obliqua; oculis (♂) a supero visis rotundatis, subtransversis; pronoto latitudine basali circiter  $\frac{2}{5}$  brevior, apice quam basi fere dimidio angustiore, lateribus late leviter sinuatis, disco sat leviter declivi; hemielytris abdomen modice superantibus, corio pronoto fere duplo et dimidio longiore; segmento maris genitali ad sinum sinistrum aperturam mutico. ♂. Long. 7, lat.  $1\frac{3}{5}$  mm.